

四庫全書

集部

欽定四庫全書

集部
曝書亭集卷十三

詳校官庶吉士臣汪彥博

助教臣常循覆勘

總校官降調編修臣倉聖脉

校對官檢討臣盧遂

謄錄監生臣閔思紀

欽定四庫全書

曝書亭集卷十三

翰林院檢討朱彝尊撰

古今詩十二

柔兆攝提格

駟馬行送任御史珣視鹺長蘆

春明門東駟馬嘶
奚官新鑿碧玉蹄
紫茸鞞鞞錦障泥
使者衣繡行長隄
寒花露草煙萋萋
千樹萬樹楊柳低

津門此去三百里來朝定指西沽西長蘆鹽筴通青齊
君今乘驄按左海章綬不殊還會稽我歌驄馬行君騎
驄馬去明年策馬來春明應記今朝送行處

送顧進士

永年南歸

曲江游讌罷轉眼一年春此日書驢券仍同下第人

贈魏世微

每憶金精天外峰易堂書卷閱春冬竹林舊侶嗟零落
喜見青雲阮仲容

送周二之海陽

簷花對酒五蟾蜍
此去郵籤萬里餘
湖水東西仙令宅
帆檣來往海人墟
炎洲雨過香蕉子
夜枕潮迴徙鱷魚
後會竹林期莫定
相思天末意何如

送劉郎中守思南

劉郎別我玉河灣
笑綰銅符領百蠻
千騎上頭殊不惡
峒花攬鳥滿溪山

紫藤花下作

首夏花信終月閏又開朔

舜尊

濕雲來遠岑密雨溜斜

桷

周贊

雖違登覽興且喜氛垢濯

舜尊

軸簾納餘清叩

戶鈔重較

贊

甌香碾新團滴古濡散卓

舜尊

虛齋憺無

事晚霽意蕭邈

贊

高蘿何年植老幹惜崩剝

舜尊

杪春

發新條青翠纒一搦

贊

有如荔含苞又若烏破殼

舜尊

籠陰忽蓋瓦落格漸成幄

贊

五髻瓔珞垂羣玉玲瓏琢

舜尊

榮悴迭後先土膏異豐确

贊

幽賞人未齊暖游蜂

已覺

舜尊

將尋條鈴護毋使雀豹啄

贊

寫生畫史為配

饌食經學

鼻尊

故鄉南湖南風景別燕涿

貫

濃陰壓兩

岸虺蔓埽船角

鼻尊

鷗鳧雜坐臥鰕蜺恣撈捉貫何為

久滯淫來往昧鳩鴛

鼻尊

酒罷花亦殘擁衾歸夢數貫

送張

嶠

宰淄川

般陽城下記曾過負郭分流左
阜河相送履鳧仙令去
恣聽驂篠短童歌簾衣晝靜
花應滿書帶春來草最多
暇坐西堂官燭夜吟情可憶
舊羊何

往事沉吟十九年
潞沙津鼓解連船
河豚荻筍丁沽市

海燕芹泥趵突泉岐路東西頻遠隔故人意氣劇相憐
青藤絡格繁花紫涼月紛紛話別筵

遲湯上舍

右曾

不至

檉葉綠如繖藤花紫滿簷望君君不至惆悵下廳簾

題賈院判

鉉

畫荷二首

亭亭紅豔立清波殺粉調鉛不在多却笑崔徐思憔悴
鷺鷥汀畔寫枯荷

黃塵六月倦鳴鞭苦憶中吳鴨背船夢入篷牕聽夜雨

半江風葉枕函邊

竹爐聯句 并序

錫山聽松菴僧人性海製竹火爐王舍人過而愛之為
作山水橫幅并題以詩歲久爐壞盛太常因而更製流
傳都下羣公多為吟詠圖既失詩猶散見於西涯篁墩
諸老集中梁汾典籍仿其遺式製爐恒歎息舊圖不可
復得及來京師忽見之容若侍衛所容若遂以贈焉未
幾容若逝矣丙寅之秋梁汾攜爐及卷過予海波寺寓

適西溟青士愷似三子亦至坐青藤下燒爐試武尼茶
相與聯句成四十韻明年梁汾將歸用書於冊以示好
事之君子

西神峰連延龍角汎泉歆孫致彌桑苧次水經第較中

泠遜姜宸英山僧寡營役谷飲遂夙願朱彝尊跣趺長

松根風來耳垂鬢周賁都籃選茶具一一細莎頓張祐

詩重街 夾細莎 顧貞觀舍彼陶冶工截竹等辨峯致彌附以紅

泥團其修僅扶寸宸英坎上離于中下乃利用彝尊

微颺颺颺入活火
燄燄煖質初聆檜雨喧
漸見魚眼踰

貞觀紫筍舒萌尖
乍點湯色嫩致彌王郎穿竹過
愛接

支許論宸英解帶磐石間
素瓷迭相勸昇尊欣然愜所

遇伸紙隨滌渲質濛濛巖亭瀑
歷歷水田畝貞觀短短

茅覆屋葺葺荻抽蘆致彌橋鼓
乃有路門闢或無捷宸

英林壑雖未深
埃壘頗已遠昇尊流傳盛
新詠羣雅足

彝憲質或為篆籀隸
若盍高敦膚貞觀或為真
行草若

繇靖義獻致彌
穆如清風作舉
一可當萬宸英嗚呼百

年來精廬窟獼獼

彝尊

曩時所珍物零落委荆蔓

質吾

家壚塘側想茲恒繾綣

貞觀

形模授巧匠高下仿遺援

致彌

所惜七尺圖慮為塵土全宸英開篋逢故人輟贈

得右券

彝尊

羊脂鏤躑玉獸錦束腰綦

質

譬諸延平津

劍合始無恨

貞觀

俄驚鄰笛悲永歎壑舟遁

致彌

蕭條

黃公壚歌哭與俗溷

宸英

是物覩者希五都絕市販

彝

尊今年吳船來載自潞沙堰質徙置青藤陰旅話破幽

悶貞觀

質比蓮芍輕形唾石鼎鈍

致彌

小勺分宮時頭

網試甌建宸英忽憶秋水生乘此風力健昇尊逝將挂
席歸耦耕師下湫貧母令石牀空兼使夜鶴怨貞觀

送吳漢入太原三首

孃子關西木葉殘煙霜回首井陘寒馬頭不改團團月
絕壁韓詩拂蘚看

并州山繞崛巘蒼桐葉祠前拍幾行蘋號長生水難老
憑君抄入篋中方

周郎在浚近在蓮花幕點筆題詩興不孤暇日經過煩

問訊硬黃曾搨石經無

送毛檢討奇齡還越

一舸全家去層闈別袂分孤生倚知己衰老感離羣
曉雨千門散新泉五牖聞花光晴澹沱峰翠遠氤氳
祖席愁帆影回塘感水紋語多兼往事觴罷判斜暝
少日偕登筮遺書索典墳扇邀王內史舞起謝將軍
夢筆橋頭月捫蘿磴口雲徵歌依趙瑟漬墨灑羊裙
午爨柯亭竹秋眠蕙帳蚊俄驚鄰笛弄頓使酒船焚
失路栖淮浦逃

名適汝濱易穿東郭履慚勒北山文燒尾同華讌傳甘
並紫粉四聲研沈陸六義續河汾闡藥園官送朝衫小
婦熏香隘詞悵悵錦瑟淚紛紛為折章臺柳翻辭祕省
芸空林憶猿鶴舊社返榆枌到及湘莼美聞看越鳥耘
朋箋存筍滿麴米注牀醺宰相陶弘景神仙鄭巨君行
藏應自料不用問靈氛

題喬侍讀侍直圖

朶殿簪毫入千門露未晞臣心勤夙夜

天意慎幾微

慎幾微本房御書扁也

細細香生幄曠曠日滿衣非

君諳掌故奏事直前稀

題項秀才

奎水墨小山叢桂

少年席研項生同每到秋行桂樹叢今日天涯展圖畫
忽驚身是白頭翁

程侍郎江山臥遊圖

啓禎之際南北派書有董米畫崔陳青溪先生起奪席
二者並妙稱絕倫一水一石弗漫與尺幅價值雙烏銀

今觀此圖著色老筆與黃鶴山樵親蒼茫又類井西作
林霏掩靄泉洄淪近來仿古求貌似疊石細碎添苔勻
先生畫意不畫象驅使二子窮其神雲霞石淙開四面
一一鼠尾丁頭皴山根木閣看最好安得買斷居河滬
四門博士重手澤請我跋尾歲在寅其久偷兒鑿我壁
室無泉布牀無茵惟存文史五千卷手摩插架掀掀頻
此圖幾失幸不失留置愛玩緜冬春朝來灑墨賦長句
書報博士遲無嗔

送陳上舍

曾毅

還杭州三首

門外驪駒莫便催
紅闌亭子上行杯
誰能北地三年住
不憶西湖一舸迴

貓頭新筍長林扉
雉尾香萼礙釣磯
船到水仙祠下泊
更無塵沈藕苗衣

官閣垂楊水寺燈
城隅處處結魚罾
舊游白髮幾人在
應笑歸遲張季鷹

顧編修藻

以橄欖見遺賦謝二首

疊果青於棗，嵇含狀最工。紅鹽齊落子，翠竹遠開筒。愛惜教頻數，歡娛忘屢空。要知君子意，獨許歲寒同。

絕勝餘甘樹，來從荔子村。玉盤盛最好，青箬裹猶溫。酒後酸漿別，茶中俊味存。清香留改歲，試配煮河豚。

飲遂安毛檢討寓齋

城隅燒尾宴，曾同六載重。來就菊叢珍，重故人今夕。會招尋猶念一漁翁。

題蔡修撰早朝圖

遮莫襲襲畫鼓頻披帷風定燭如銀繡整只許狸奴臥
辛苦妝臺攏髻人

周上舍

篁

夜過

溷酒凍春碧萊雞蒸栗黃醉眠無不可西舍有繩牀

鱸魚同魏

坤

作四首

水面曾排赤馬船纖鱗巨口笑爭牽吳孃不怕香裙濕
切作銀花鱠可憐

微霜一夜泖湖東楊柳絲黃兩岸風不信輕舟往來疾

筠籃驗取四鯁紅

已脫朝衫分卜耕劇憐鄉味算歸程
秋風彈指今年誤
輸與江東老步兵

翠網千絲白玉跳蜀薑鏤切韭新苗
背蓬圓笠平生慣
準擬抽帆第四橋

強圍單闕

寶晉齋研山

有石產京峴近在龍目灣

周贊

外史火正後愛好怡情

顏鼻尊

棱分巖穴岫垢洗黃朱斑

貧

俄看千仞峰勢拔

方寸間鼻尊亭亭華蓋倚隱隱卻月彎

貧

岡巒各殊狀

一一相迴環鼻尊

其下陷深窪髣髴龍所窠

貧

有時風

雨至大小青來還鼻尊玩物不在多對此形神嫻貧以

之易園廬勝絕臨江關鼻尊觀其賦詩意猶自心偏慳

貧年深異顯晦幸未委榛菅鼻尊

君家藏四葉冷光古

益黜貧且以娛寂寞豈復論銖鍤鼻尊舉世重黃白孰

營儿上山貧好語玉蟾蜍勿用清淚泫鼻尊

鼻尊

附
米海嶽研山歌為朱竹垞翰林賦

濟南
王士禎

海嶽研山不可見人間空說研山圖
研山之圖亦遭燬雲煙過眼徒嗟吁
宣和良嶽已塵劫矧乃片石輕鎔銖
永嘉流落幾百載昭陵玉匣今亦無
詎知神物有呵護星芒夜隕三天都
太平宰相盛文物寶此何啻千璠璣
石初藏許文穆家後歸朱文恪古藤書屋花未放
主人愛客招吾徒眼中突兀忽見此
乍疑几席羅衡巫壺中

九華那足擬仇池枉用誇萼蘇三茅地肺互鈎帶二
華雲氣相縈紆蛟龍屈蟠待雷雨仙靈髣髴迴駟車
華蓋一峰獨秀拔宛插玉笏翹犀株翠巒玉筍左右
列雕尻股脚相敲扶上洞下洞闕曲折潛通小有涵
空虛龍池幽窈驗雨候頗疑中有驪龍珠峰獨者蜀
屬者嶧上泉有埒下有瀟座客摩抄三歎息蒼然古
色生眉須海嶽之菴書畫舫幾伴此老浮江湖巧偷
豪奪厯千劫閱盡春秋如螻蛄翰林好事過顛米日

餐蛾綠忘飢，劬滄江夜夜虹貫月。莫令光怪驚菰蘆。

懷汪進士

煜

人日梅花落，懷君過嶺時。安牀紅豆底，日日坐相思。

喬侍讀

萊

一峰草堂看花歌

同陸嘉淑

周

贊

姜

宸英錢金甫孫致彌查慎行湯右曾陳曾毅賦

疾風經旬不出戶，獨客嬾過三眠蠶。今朝風定塵盍減，
女牆翠湧西山嵐。修門池館綴金碧，鏤柵未許停羸驂。
主人新拓百弓地，中園卉木吾舊諳。天桃濃杏雖已落，

海棠乍坼丁香含初疑徑關過者少早有勝侶齊幽探
新松四尺挂席帽炙具一束攜荆籃絲頭毯展午陰直
婪尾杯泛冬醪甘今年春較去年晚花信十猶餘二三
長紅小白枝尚亞雄蜂雌蝶飛相參酒闌回憶壯年事
於此晨夕朋盍簪燒瓷甕頭臥畢卓蠟板曲子歌何戡
滿墀明月露濯濯繞屋垂柳絲氄氄十餘年來五易主
魚牀潦盡成枯潭茅亭崩剝泥暗裂有若燕子留空龕
仙源重過豈易得惜花老去心逾貪韶光三月忽已盡

牡丹將吐房山南綠囊紅襖水精域鹿女微笑狸奴酣
相期雙屐著謝客更借一鶴騎盧耽諸君偕游恐不遂

試與二老評花擔

謂周陸
二子

同作

嘉興
周賞 青士

九十日春不可駐玉河稗柳青漸濃官溝滌穢難墊
足何處得看林壑重客言侍讀新築好紫丁香結干
枝穠辛齋竹垞吾老友不嫌策騎參支筇查生

慎行

叩扉湯生

右曾

起顧我一笑偕過從是日天朗惠風

細晴絲冉冉煙茸茸莎亭擁腫敲四桂花氣遠接檐
前峰縛樹老藤更天矯如割左耳奔乖龍縹囊欲坼
尚未坼已見小尾游黃蜂主人朝回跣草履揖我得
覲冰雪容食單藉地任箕踞脫略禮法便疎慵騰觚
凍醪賸百末釘盤雜果儲三冬吾家長水塘一曲白
鵝繡鴨紛游溶油菜花香蠶豆熟貓頭荀迸芹泥鬆
及基山東審山北麴塵波暖浮方舫撫琴久已謝宗
炳鑿穴今復輸臺佟自從騎驢入燕市魴鯉去沼鷗

閉籠得閒曠論厠坐末一洗膠固從來胸銀絲切繪
悲登俎更留午飯餐冬春何當清暑復來集醉看夜
合花惺忪

棗花聯句

棗花香細細亂結春風闌

孫致彌

既免纖手摘寧邀上

客看

周贊

燕郊得千樹吾將老園官

彝尊

王翬畫三首

王郎手摹一峰畫宛似張顛作草書鼠尾皴山鴉點樹

只今能事有誰如

帝城日日足風霾
眯眼黃塵漲六街
對此溪山最清絕
便思衝雨踏梭鞵

王翬老去畫尤工
橫幅吳裝仿惠崇
曾記北高峰上望
村村風景似圖中

攄聯句

有木生庭隅入夏翠陰發

周貧

卑枝易妨帽密蔭恰承

鞵孫致彌重露一以晞微風久不歇

彝尊

皮乾敲殷赭

花瑣補禿缺貧色籠澹泞天影漏惺忪月致彌遮門肖

水松驗雨促耕垡鼻尊莖小舞蝶翻脂香行蟻窟貧其

身異樅柏其產徧揚越致彌豈惟敵雪霜兼可蠲宛暘

鼻尊疾瘵子除柶槩匠人刷貧是物錫嘉名肇詩皇

矣曰致彌爾雅配蟲魚圖經繪苗髮鼻尊過從每淹留

愛護勿翦伐貧森森埽庭草淺淺露鶯骨致彌清談自

亭午離坐到日沒鼻尊雖非郊野居且免土蓬勃貧况

有易釀沽把瓊恣百罰致彌箕踞獨樹根狂哉酒擣杓

萬柳堂同沈秀才

蕙縵

對酒作

亭徹沙逾擁橋敲路轉迴自從疎傳去懶逐葛疆來揮
柳春重徙新荷暑未開故人留旅話仍勸竹根杯

畢上舍

大生

止酒經年冬夜枉過勸之復飲賦

三十韻

畢生本酒徒系沿鮑陽卓長筵慣分曹專與大戶較傾
壺滿觥船鬪力出捲握選格拋牙骰射覆探雀殼勇哉

氣如虎可奪力士稍初愁鼓鑿鑿俄至雞喔喔一朝忽
不飲容勸輒驚連人或強之坐踈身等山嶽甘令浣衫
袖不復顧謠詠自從斷酒來月改十晦朔問之何以然
其志在困學僧寮止容膝居若蝸負殼一盃黃醞酸一
燈青豆爆當其夜分倦欲睡乃翻覺漆鬢添初星丹顏
損舊渥入秋試不利泣抱楚和璞羣飲徒挪揄背面肆
評駁獨醒亦何苦羌不如醉濁北地釀法多滄易通薊
涿茲非禁酒國況弛官務權胡然守枯槁血脈久淫濯

生來恒鬱鬱我見尤爆爆是夕風最寒冰簷挂斜桶西
市買山麋東市買海鮓此時浮一瓊亦足忘蹇剥生也
聞我言相視忽而曝有如魚含鈎又如鶴受鉞紅文螺
曲房黃支犀斛角沛然決江河豈能塞一璞詰朝客來
尋仍向壘邊捉

畢子飲二十杯而腹痛復欲止酒再以詩示之
我歌勸生飲生醉我亦眠繩牀一牆隔聞若呻吟然殘
燈撥餘燄夜半衣重褰問之臥敲側欲語哽在咽手摩

腹與肚抱痛青兩顴歷鹿車轂轉往來梭腸穿良久始
起坐絮被遮寒肩荅云我祿薄福過災則延緘之苦不
易一夕敗終年飲啄各分定造物信有權譬諸再嫁婦
羞澀塗脂鉛譬諸黃面僧破齋烹肥鮮旁人笑且侮瑟
縮難自前麴蘖伐性斧自此仍棄捐主人忽大噓物理
生未研八尺士皮肉以腰分地天藏府應音律經絡貫
源泉江河漳潔流夫豈可涸焉古聖作醪醴服之斯萬
全後來止酒徒託辭匪真詮奈何屏杯杓委腹為枯田

數升下喉隴反若湯沸煎陷河湧越嵩谷水淪由拳此
如囊裏漿暴下乃得痊及其潤既燥百骸自安便金平
水靜順豈復重崩騫來朝生且住剩有叉頭錢再為生
解醒清聖濁亦賢不聞朔風號雪虐層冰堅地爐擁終
日與我常周旋

送葉參議

映榴

督儲楚中

國家歲漕粟千里連舳廬上給

宮府用下克軍國需以之實

天庾寧曰此緩圖先生富才術文與東馬俱道山橐筆
入粉署含香趨單車采秦風奉席盛羣儒

天子眷南顧特借司轉輸荆襄漢沔間土沃田膏腴歲或一
不登天下皆饑吁吾賢開濟策足使民困蘇暇日登南樓俯
瞰赤欄湖武昌柳百萬翠色兼蘅蕪臨風興不淺高詠無時
無歲晏一相送欲別愁須臾南魚北有鴈冀慰心煩紆

表弟查二 嗣琛 至都過古藤書屋留宿作詩二

首依韻奉酬

鹽官人到逼殘年贈我吳興十兩絲肌粟頓消生暖後
鬢絲相視入愁邊醉拚把錢循環飲倦便安牀曲尺眠
玉桂國中來底事開春同縛送窮船

別時花藥發春壇五載離居感百端一泝武溪行楚道
兩浮炎海狎珠官蠻中土俗諳王範篋裏雲山奪范寬
此夜劇談高燭換北風頻送漏聲寒

冬日陪徐副相

元文

姜著作

宸英

游大房山出

郊雨雪馬上作

蓬勃東華塵窈窕西山容二者各有宜強之心不從徐
公脫朝簿姜子淹旅蹤期我大房游捫葛攀長松茲山
我舊厯不憚寒飈衝車中三升榼馬後九節筇誰能先
花時蠟屐乘清冬雨霰雖載塗相顧多歡悰雪色妙渲
染一峰殊一峰明當踏霽日遍覽金芙蓉

止孤山普濟寺

曉辭盧溝河暮踰韓姑砦荒榛取綫路亂塔湧香界峰
迴削峒岷水涸失涔派啞啞飢鳥集藪藪病葉敗返景

寒易收陰厓暝逾怪俄而樵歌歇近寺響僧唄言投水
晶域棲止得所居山餅溫凍釀冬窖出秋菜坐久霜月
高起行猶未憊逍遙青松陰於心豈不快

入上方山

山心夜不寐凍雀喧前牕香厨卯飯熟傑閣晨鐘撞
柅車東樾馬各雇輿丁雙彎環柳捲椅夾以棗木杠舍村
入坡陀百折循崆峒萬古此積石山農絕耕耜短松走
長根老樹撐空腔徑盡緣仄磴險過梯雲杠置身縹緲

間若掉都盧撞層軒坐僧榻喘定心猶慢

一斗泉

昔尋一斗泉俯睨千花塔壯歲不知疲三日行兩市重
來筋力倦十五換僧臘已拚百骸困猶幸半踵納崖傾
旋曲蝸石扁鏤文蛤雨暘迭晦明龍虎互垂合忽焉松
門在茅屋向斜搭短綆汲澄泓微風吹颯沓精廬愴忘
歸惜未攜酒榼向下招游朋仰視笑不荅

兜率院

幽燕古奧室兜率居中巖花宮七十二下上東西嵌六
時響魚鼓四面圍筠杉沙泉細流續石壁遺經劓欲探
乳穴勝改著短後衫其中路窈糾其外雲封緘百千羊
須珠往往乖龍銜所嗟脚力弱畏此高嶄嶄山僧飯我
腹朴野言多僂嗣歲期重過同把黃獨饒

望摘星陀

梯頭歷上方崖內平僂僂其西叢木杪樵路乃荒迴蜿
蜒衆山伏崩劣一峰挺誰燒陰陽炭鑄出火風鼎既絕

鸛鵲棲兼少麋鹿
麒何年運鬼工於此
置屋並遙想層
雲巔六月亦清冷
況當密雪零夙宵
斷杯酌天逼寒
棱
棱星壓光炯炯
自非鐵頭陀安敢
居絕頂

鐵頭陀金時
高僧居此山

中院

天開寺中院舊在沙河南
應公昔來棲曾立水碓三
河
流今已徙亂石堆枯潭
孤碣當麥壠顏基迷蘿龕
同游
各下馬考古性所耽
劃苔讀遺文其體國俗參
紀年稱
虎兒草昧典未諳
采之入舊聞亦足資
容談擷筆抄乍

終日隱西峰嵐添我蒙茸裘寒色齊回驂

東峪寺

孤山指憇題馬力苦顛跋羗夫云一舍五十里始達不
知深山中地志誰所括亭午入東峪僕飢主亦渴寺門
依白楊風葉滿頭脫牆西五墩古階下一水活竹爐拾
墜巢茗盃收棄盞蕭然此時意百累皆可割修塗驗短
景揮手謝禪闍回聽星星鐘流響在林末

西峪寺

層層金仙塔宛宛白帶山西峪在其下梵刻肩重關經
始齊隋代斷手金元間千春闕不發為計誠陰姦九經
勒咸陽響搗流人寰乃知慈氏隘未若儒者嫻土花填
石闕鉛汁灌戶櫺有時野火燎豈得恃堅頑我瞻雲居
寺磴險不可攀翠微未及上已足舒心顏

甘池

涿水魚重脣甘池魚一目涓涓六七竇羅注滿陂谷淺
漾苔衣斑深含荇帶綠清冷下浴鳥遠近來飲犢河北

將軍祠媿臘走巫祝不知何名姓遺像猶在屋秋晴秔
稻香日至粦麥熟匪因水泉利何以具饘粥東度白石
橋沙行背山麓村醅解留人風慢青半幅

六聘山中弔晉處士霍原

昔有霍處士居涿西山陽弟子半千人大小開黌堂六
聘節愈堅義不干侯王無端豆田謠乃受彭祖殃紛紜
永嘉末鐵騎樓武鄉伏尸出藏戶繫之如驅羊殺機本
倚伏善人安可戕我來後千載覽古心盡傷祠墓久摧

沒末由酹椒漿縹馬白楊樹旋馬黃茅岡

瓦井

瓦井社北東中田卯塔七叢叢蒺藜中高下如卓筆傍
有石鐘幢各志歲月日比丘守司徒榮祿大夫秩當時
崇國師此輩盡驕佚非惟混釋儒兼亦亂名實奈何茶
毗後公然肆刊述粵漢兩燕王改葬蹟遂失樂毅及霍
原遺冢莫可悉彼亡茲乃存物理信難必

欲尋孔水洞不果

晚投故砦宿晨別羽士家欲尋孔水洞村路迷三叉傳
聞蹟最勝自昔圖經誇怒衝礮礪石晴響霹靂車層層
落暗穴湛湛滄深窪每當三春時流出天桃花仙鼠舞
白日文鱗漾銀沙我思窮其源惜哉無古槎僕痛促歸
數未得探幽遐立馬長店岡心仍戀峰霞

詠古二首

漢皇將將屈羣雄心許淮陰國士風不分後來輸絳灌
名高一十八元功

海內詞章有定稱南來庾信北徐陵誰知著作修文殿
物論翻歸祖孝徵

寒夜集古藤書屋分賦得火箸

我昔誦茶經其具得火筴圓直無葱臺修長過銅鎗是
物最末微尋常付竈妾偶為桑苧詮詎錄香山帖自來
京城居七度脫林葉窮陰朔風號聚沙眯樓堞南人氣
柔脆土炕意不愜瑾戶類蟄蟲曲身苦跼摺握火置甑
爐聊以熨胸脅燕俗饒粟薪市者病遠涉虛傳紅螺產

罕致白炭竄爆急燎竄須煙騰淚棲睫箸也誠要需取
用便指捻制以偶勝竒力惟同乃協出入炎燄中身手
洵趨捷有若赴敵場擒馘恣所挾峙立必雙聳倒臥亦
並接須臾不相離無以異鷄鰈留之載都籃配以紙黏
箒持喻同心人歲寒入吟篋

題喬侍讀小像

宛轉溪橋浴野鳧城隅瀟灑得重湖少年背面休相笑
憔悴何曾似左徒

食采玉山藥

窮冬肯蓄盡客至我心悔

鼻尊

打門門者應擔僕走汗

背查慎行

周遭解村綯磊落倒傖帑

浦越喬

土諧二尺

強愛惜煩點對

吳卜雄

冰須截柔膩井滌洗鹿穢

朱昆

田未許餅盆藏亟勒釜驚漑

查嗣琛

酸鹹百無功水火

兩不悖

鼻尊

炎炎力通透勃勃氣汎潰

慎行

中筵出佐

酒扶寸陶盤內

越喬

紋皴蛇跗斷衣滑兔褐退

卜雄
軟

嚼便牛飼饒奴鬪烏喙

昆田

是物種實繁厥產徧陽昧

嗣璪其葉不足憐其花不可佩鼻尊孔林殷而瘦禹穴

白而價慎行

或如佛手璧或如龍卵碎越喬方經炎帝

收藥錄桐君載卜雄詎若采玉本品格壓儔輩昆田水

芋山慈姑味劣遠難配嗣璪

宋僉事榮園亭雜詠六首

淶波村

照碧堂前水分流擺程村築場移碌碡繫艇到籬門

芟梁

背郭十畝園滿陂種水栗浴鳥游清冷人語忽飛出

釣家

芙蓉以為裳女蘿以為帶釣魚師得魚沽酒夕陽外

和松菴

微風起中林調我松下琴黯黯太古色泠泠太古音

放鴨亭

渚行抽新碧園桃吐小紅莎亭長日坐不引竹枝弓

緯蕭草堂

草堂何所營志蟹譜漁具夜分汀火紅點點出深樹

曝書亭集卷十三

欽定四庫全書

曝書亭集卷十四

翰林院檢討朱彝尊撰

古今詩 十三

著雍執徐

次查上舍韻送楊侍郎

雍正

還里四首

吾愛吾鄉少司馬乞歸躬養太夫人

聖朝孝治容將母元老功成合引身篋裏詩篇行處有

道傍歎息見來親計程一舸鹽官水到及陔蘭滿眼春
夜舫朋箋畫賭碁昔游嶺表共栖遲頻過韋幔傳經地
尚記潘輿置酒期南北幾回分手路升沉相對滿頭絲
今朝遇我歡心劇不異蠻天捧檄時

橫浦先生舊里居為園郭外儘堪娛人家戶戶通舟楫
藥草村村盡畫圖坐久春禽啼滿樹朋來臘釀勸傾壺
更饒入饌江魚美添買臨平半頃湖

樓指東華九載過罷官歸計尚蹉跎最憐老友忽忽別

不惜衰顏夜夜酤酒倒三餅猶恨少夢隨千里自今多
早春也擬輕帆下更嬾金臺獨放歌

任孝廉

坪

以家釀苦酒見貽賦詩志謝效孟東

野體即送其還高密三首

步兵游竹林左徒吟江潭思古憔悴人舍酒何所耽東
海任公子遺家醞一甌味苦炎上作色黝封中涵一酌
我顏赭再酌我身酣三爵矧多又醉枕南牕南自晒同
蓼蟲食苦翻知甘

竹苦四味齊蓮苦寸心撥瓜苦斯有敦草苦亦可捋周
原美董茶越女采蕺葛以蒿漬冬醅香味勝百末自來
頌酒人豈為甘旨奪

於越百花露味重杯慵銜維揚五加皮飲之漸作鹹詎
若膠西釀可以解清饒君今馬首東讀書歸舊巖暇看
糟牀注飲略手自艾儻遺一尺書方法試我緘

送吏部侍郎張先生假旋京口六首

袞袞諸公歲九遷先生何事賦歸田不愁關吏饒如虎

一葉官河放溜船

便門東去柳依依
一路垂絲埽石磯
青眼年年長送客
幾人生擁八騶歸

汶濟分流照畫舫
中丞問俗向來經
山東父老應傳語
雙鬢依然舊日青

清淮泛濫濁河淤
鴈戶飄搖少定居
厝火積薪曾上策
至今太息雒陽書

真州柁轉即金山
曉挂蒲帆十幅還
總是當年釣游地

詩牌細拂蘚衣斑

墓田丙舍鍾繇帖京口谿山米芾居十丈紅塵吹不到
江樓日日倚南徐

偶成

三月東風何太狂塵沙黯黯天茫茫主人十日不出戶
空園花落無丁香老年逢春須愛惜悔不走馬看花忙
無事獨坐宣武坊吾家茅屋長水旁舍南有池舍北塘
荷花草紫油菜黃鱸魚上釣四寸強矮貓筍肥錦襖脫

新蠶豆熟青莢長客何為不歸故鄉好約比鄰沈十二
進薔薇架底醉壺觴

杭州水利不治者累百年矣巡撫趙公考城河
故道悉濬治之鄉人來迷喜而作詩凡二十四

韻

武林古澤國十八澗九溪當年宋宮闕溝水流東西陳
迹漸已湮深谷皆成蹊民居日湫隘編竹兼芘葑猛火
一燎原悲燄百室迷塗徹大小屋縮井愁難躋女丁配

夫主相顧但愴悽吏治徇目前孰能防禍梯中丞溢世
才利器剽水犀下車命丞倅故道資考稽率錢具畚鍤
曾不煩鉏犂經始底告成歲序尚未睽坐令闐闐間無
異蘇白隄紅闌鴈齒列赤石羊肝剗嘔啞小航船蹠躓
快馬蹄停鞭市蓮藕倚檻來鳧鷺柳陰穀犬鳴露腳莎
雞啼祝融迴其馭婦子方安栖乃知濟時策不在拯顛
濟公之治水術豈獨過白圭泉清原隰平名與召伯齊
我家由拳城閭巷多蒿藜願公祛墨吏如決濁水泥上

以荅

天子下以寧羣黎

送柯孝廉

維楨

之蕪湖

劉蕢下第原風漢王粲
依人復遠游舊屐尚存尋
赤鑄殘書又抱去盧溝
春槽酒熟沙門店夜柵
檣平估客舟儻得黃金
休易散歸時須築小丹丘

紫藤花下醉歌同查上舍弟

嗣琛賦

客舍紫藤長數尋
馭蔓年多半枯槁
往歲丰茸莖太密

花事去春翻草草今年二月呼園丁三百銅錢費除埽
雖然艾後花較遲漸見含苞同蕨腦檐牙朽株換棚格
井牀新汲傳拷棖景軟低垂香細細游絲不動日杲杲
鈎簾忽驚啁雀去仰面生憎土蠶抱越州老酒吳船來
小盃偏提恣傾倒頭銜久矣脫朝簿那問鼙鼙鼓昏早
惜哉筋力日已疲惟有花前不知老停杯還憶故鄉路
亂水穿沙入裴島千章古木藤纏身飄落鮓英滿衫襖
明年期爾橫漲橋

上舍所居

朶櫓嘔啞撥萍藻綠陰共聽黃

栗留醉臥檝頭船更好

為錢給事

晉錫

題王給事

原祁

富春大嶺圖二

首

記得山城水閣添畫眉聲裏畫垂簾還憑同省王郎筆
暖翠浮嵐五尺縑

富春江上雨溟濛兩岸花開躑躅紅髻髻舊游如畫裏
一帆曾轉釣壇東

吳徵士還蒲東魏上舍還嘉善集古藤書屋話

別聯句

握手古藤下秋深旅愁積歸來西溪傍猶及種春麥

吳

雲我亦袖輕鞭明發辭紫陌倦鳥不同飛各自張旅翮

魏坤

二子澹雅才肯為時俗役英辭迭相應如以桐叩

石

陸嘉淑

柳塘水淥淥蒲坂山驛驛改歲君到時古藤

花滿格

查慎行

大防一斗泉釀酒冰雪白酒熟君不來

落花良可惜

鼻尊

送楊侍御還東湖

一箇金門住五年，羨君容易早歸田。他時願結香山社，
八口先浮潞水船。秋鳥炙來鄉味好，月波釀就禁方傳。
桃枝況有仙人母，同注真靈位業篇。

秋日萬柳堂同譚十一給事瑄沈秀才蕙纈龔

主事翔麟同賦三首

亂水秋無路，篋輿入壞垣。粉銷題壁字，苔浸插籬門。蟲
網捎衣桁，魚牀齧樹根。頻來曾不厭，觴詠舊游存。

撲棗過頭杖，裝緜短後衫。沙平攜小榼，徑遠罷長鏡。古

塔疎林出遙峰夕照銜蕩舟無不可只少布為帆
積潦沉官柳迴流限女牆白鷗來款款黃蝶舞佺佺鄉
曲情無改行歌醉不妨城南咫尺地想見野雲堂

馮檢討招諸同年集六枳園對菊即席分賦得顏字
可怪南鄰馮檢討酒錢肯為謫官慳盡除簾額虛牕白
亂插籬根細菊斑新雨不來那在眼故人相對且開顏
近年同脫趨

朝籍漏鼓頻催獨後還

贈許容

今之官印古璽節漢制斗檢封略同周秦以來鑄私印
往往撥蠟銷金銅會稽王冕易以石細切花乳挑皮紅
青田山根凍玉斲稷下里石舊穴空羊求休嫩大松老
其餘麁惡不可覲若往時長洲文博士刻石頗有松雪風
墨林天籟閣書畫以別真偽鈴始終吾生好竒頗嗜此
碑磔犀象羅笥中徐貞木亡鄭埴夫尚有程遠留江東
故人衰病遠莫致縱饒玉石何人攻如臯許容近過我

手出圖譜重錦蒙古文離離雜鍾鼎爾雅一一詮魚蟲
乃知六書得其故大小繆篆能兼通相斯史籀各具體
左蟠右屈何妍工合肥尚書龔端毅公最賞擊紛紛朝士傾
詩筒吁嗟萬里十年別一官不達翻途窮低眉強隨抱
關吏失足幾陷鮫人宮重來歎息舊游盡酒錢燕市何
由充容今髮白我耳聾瓜牛舍近地百弓日長莫學打
睡翁相邀硬筆寫獵碣夫豈不如薛尚功

題畫送徐檢討鈞還吳江二首

三高祠下水溟濛紅蓼花香一笛風驚起沙鷗定相笑
黑頭未稱作漁翁

不貪臺閣送行詩索我尊前折柳詞合喚菱舟付菱女
更吹漁笛教漁兒

屠維大荒落

二月自古藤書屋移寓槐市斜街賦詩四首

轂簾車輕簸兩輪殘書禿管雜勞薪移居絕似村夫子
寫入圖中儘笑人

莎衫桐帽海椽屨隨分琴書占小齋老去逢春心倍惜
為貪花市住斜街

阿鏐秋去又春殘遠信封題萬里難不道衰翁無倚著
藤花又讓別人看

屠門菜市費羸驂地僻長稀過客譚一事新來差勝舊
昊天寺近井泉甘

上巳集南城祝氏園聯句

六年人海中楔飲恒不果尚書忽相期折簡起疎慵

尊並轡城南隅地僻少塵堞入門愛團瓢登閣見駸娑

崑山徐乾學原一

山橫雉堞上水洩龍湫左隄柳金乍

含闌藥紅未妥

崑山徐元文公肅

雖乏三徑幽恣攜十

榼可北酒雜薊滄南烹屏蒜菰

鼻尊

日遲宜賭奕場闊

縱飛竒吟或叉手吟坐便鐫脚坐

乾學

初筵已脫略帶

緩頭不裹既醉席屢移三影照碧沱

元文

夕曛苦催人

馬鳴車炙輶莫愁風揚沙定有雨潑火

鼻尊

奉題徐副相祝園修禊卷三首

右軍但草蘭亭序不及羣賢被襖詩輸與先生鼠須筆
春風一一寫烏絲

一時裙屐最風流擘紙花前點筆收我若當年參末坐
便應罰酒似羊劉

滴珠方勝杵頭新瘦本看來妙入神真跡祇愁容易賺
莫將缸面酒留人

社日登黑窰厰聯句

隗臺久蕪沒薊丘不可梯

濟南王士禎貽上

雖有千里

目將何共攀躋

徐乾學原一

佳辰趁新社膏雨融凍畦

鼻尊

早抽紅藥萌漸見碧草萋姜宸英層坡簇五騎兩

壺提一奚

澤州陳廷敬子端

陟彼積土岡同駐削玉蹄

士禎

安房隱曲几藉地分疎萋乾學泉樽酌用匏飯黍

先以雞鼻尊既漑甘蔗漿復堆苦蕒齋宸英微酣恣坦

步遐覽窮端倪

廷敬

南有松柏林其北桃李蹊士禎亭

午風華香疑是麝脫臍乾學居人半陶旋門竇皆衡圭

鼻尊濃薰樹杪煙濁漉水中泥宸英童娃亦娟勞面目

成黜黜廷敬 何時得類濯勝眼刮神篋士積不見九陌

塵奔車日冥迷乾學吾儕處其中形殊境則齊昇尊相

期泛裂帛瑩拂湖上隄宸英子為逸少序我續興公題

廷敬

題畫二首

宣和舊譜識徐熙猶記都官畫裏詩三月江南看不足

宛陵句也湖塘花鴨影參差

數株枯柳倚苔磯話別沙頭客未歸多事錢唐戴文進

釣師渲淶著紅衣

朴公書來招游盤山却寄

三盤勝地稱絕衆
嶺何峰最尊別後時
勞夢寐書來興轉飛
翻青松十里巖磴紅
杏千株寺門好雇犢
車一兩軟塵碾到山根

題龔主事

翔麟

西湖雨汎圖二首

茶檣酒幔靜無鄰
鏡面平波碾濕銀
回憶少年歌舞誤
烏蓬不作獨吟人

萼絲淩葉浸魚天十里湖山思悄然
疎雨夜眠聽亦好莫因月黑便回船

徐尚書載酒虎坊南園聯句

夜市燈熒熒晨衙鼓紉紉試瞻十二衢
何人事游覽姜

宸英吾黨脫朝簿甘與世味淡
初疑諫果食漸似都蔗

噉鼻尊駕言適丘園塵慮益澹澈
取徑衣乍褰入門首

先鎮陳廷敬循廊無坦步引絙得危攬
高下屋四隅其

中乃習坎徐乾學穿池注欽嵌
構草當葢茨非無鶴在

沙亦有魚聚糝宸英移情欣鳥音側足避花苔層樓

牕面面遠目水黥黥鼻尊際此日載陽可以釋愁膠

矧饒凍春醪因之瀝詩膽廷敬滿酌金屈卮並坐綠

頭毳行厨少新烹糲飯有遺糝乾學司寇珍庖盈尚

慮客頗頷說禮何鏗鏗升車必抱槩宸英上冢宰司寇

論春秋凡例屏趙啖觀其豎一義堅銳不可撼鼻尊上

冢宰太史述舊聞意欲闡幽闇羣書擁戶棟散紙滿箱

箴廷敬答姜生老不遇其氣頗虓闕譬之珠在淵太史

光彩詎能揜

乾學著作

答

趨陪固所願賞譽夫豈敢將

毋饜燔魚嚼及菖蒲歌

宸英

論議或異同片言恥阿

媿共此千秋心方寸默相感鼻尊坐久歸反慵臨分

袪再擊起視天壇煙如雲出封礧廷敬堂坳雖一杯

五月有菑菑相期避暑游復此安竈突乾學

題倪高士畫

房山潑墨太模糊那似倪迂意匠殊一片湖光幾株樹

分明秋色小長蘆

苦熱聯句

苦熱今年甚幽州亦蘊蒸

朱茂暉

久無甘雨降惟見火

雲升

姜宸英

際夜焦煙合經天杲日恒

張遠

高林枯白

帶淺汗露丹稜

王原

最怕衝灰洞何須堰戾陵

徐善河

流金口膩山翠畫眉層

鼻尊

黑蜮潛難見商羊舞莫憑

萬斯同

新畬荒稷黍遺種慮蝨蠹

朱儼

雩隊分行綴祠

官典故微

譚瑄

力難驅旱魃咒乃試番僧

查慎行

童女

雙丫髻旂竿五色繒

李澄中

新妝朱箔卷雜戲綠衣能

魏坤

虹霓羣情望塵埃萬目瞪黃虞稷疾雷無影響長

轂但轉較

釋淨憲

銷夏愁無策聯吟喜得朋龔翔麟盡

諳微徑入不待小僮鷹

湯右曾

席帽入人脫亭欄處處

凭鄭覲

劇談多野趣苛禮必深懲

錢光夔

旅跡頻年

共鄉心觸緒增

宸英

小航思劃槩精舍憶擔簦

茂暉白

剝烏頭茨青牽紫角菱

原

風嘶麥蝨橫港沒魚鷹右

曾竹樹濃於畫芭籬密似甬干家花滿屋六月稻交媵

鼻尊自失江村樂翻憐毒暑仍善黃沙隨扇集白汗比

漿凝遠易漬牀牀簟空支院院棚擔稀珠市果價倍玉

河水慎行

槁落含香蕊攀峯裊格藤

斯同

暗窺蛛網縮

乾坼燕泥崩

翔麟

戶撒垂簾額餅添汲井繩

碾

慵尋溫

水浴只想冷硯登

瑄

三葛衣猶重雙絲履不勝撥書嫌

走蠹懸拂倦驅蠅

坤

祇覺娑拖便誰甘襪襪稱覲衮到

門防客刺無地曲吾肱

鼻尊

亟買泉澆圃同貪草藉芳

宸英

酒拚河朔飲茶愛武夷秤

澄中

返照斜初斂微涼

暮可乘原分曹爭射覆四座百觚騰

慎行

曹贊善

鑑倫

移居二首

家具先生有幾車朝來移傍古城窪
澄泥小硯題詩處
開遍戎葵一丈花

後園虛閣壓城濠
濺瀑跳波牖口牢
正欲凭闌看洗象
玉河新水一時高

梭鞵聯句

五兩來江市千毛結海梭
昇尊澤蒲材較賤楚筍製徒
工魏坤健許踏層碧疎難入軟紅
坤老夫還稱此桐帽

伴山中鼻尊

藤枕

翦就蠻藤細方花織淺深坤香兼沉水木涼勝辟寒金

鼻尊只合青奴配何曾白汗侵坤一函容茉莉短髮不

須簪鼻尊

竹簟

六尺斬春葦繩牀臥最便鼻尊紋同麴塵水滑比研光

鼻尊箋坤攤飯宜三伏看棊判一年鼻尊物微休棄置歸載

潞沙船坤

風燈

暑愛當風坐，移燈趁晚涼。坤紗綳扶寸闕，燭減一分長。

鼻尊紫鳳垂垂結，飛蛾面面障。坤更宜單舸去，留照露

荷香鼻尊

響竹

巧劃千絲竹，仍留一尺筒。鼻尊勁梢梭拂畔，密置筍厨

中。坤搖翅潛形速，先聲逐隊空。鼻尊莫因餘點墨，觸損

畫屏風坤

冷布

秋月漚池罷炎風入市初坤暗牕塵繭換方格畫屏餘

弄尊賤豈妍娥織涼宜倦客居坤應逢麻紙笑三葛更

鹿疎弄尊

油紙扇

本自錢唐製猶存蜀府名弄尊雖殊白羽潔却比素紉

輕坤蓬勃塵難污清涼風易生弄尊翻嗤王內史題字

費真行坤

瓦歎壺

舊製惟煎錫新來器上陶坤最愁芳草歇頻課短僮操

鼻尊病葉分疎雨珍珠迸小槽坤連筒雖自苦不比漢

陰勞鼻尊

涼篷

平鋪一面席高出四邊牆查慎行雨似撐船聽風疑露

頂涼坤片陰停卓午仄景入斜陽鼻尊忽憶臨溪宅松

毛透屋香慎行

竹簾

吳船初解縛，燕市喜重編。鼻尊一綫條條直，雙釘戶戶

懸。慎行鈎時教燕去，疎處恐蠅穿。坤布幔旋催換，秋風

又一年。鼻尊

送蘇郡伯守杭州

新涼纔報上林秋，五馬雙旌發薊丘。方鎮表存唐國史，

郡伯尊人左符秩等漢諸侯。江湖水氣城陰合，吳越山

光戟外收自是前身蘇玉局黃州領郡又杭州

送張世濟之官楚中

酌春堂上勸觥船樓指分攜又八年偶寄一官江漢去
風流少府勝藍田

宋中丞榮鎮撫江西詩以寄之

誰華秋色濟陽行送別燕郊空復情十月乍遷吳子苑
六幢今指豫章城樽移南浦仙舟近幔卷西堂幕府清
宰相史家書世系代興誰得似先生

再簡朴公

謝家木屐無完齒陶令籃輿怕朔風
黃葉滿山來未得
幽尋也待杏花紅

送胡參議分守河東四首

周北張南夾巷居傳鈔互借一瓶書
使君好事誰能及
馬後巾箱載滿車

朔風千里動幽燕欲醉壚頭費酒錢
君到襄陵官醞熟
可能遺我蒲萄煎

天際河流戟外黃
桃花春水漲魚梁
銜杯不改陵州樂
繪取銀鱗尺半長

歷井捫參儼畫圖
到來官閣一塵無
十年漢上題襟客

不數詩人鄭鷓鴣

時鄭上舍
培偕行

和韻送金檢討

德嘉

還黃州

謫居人海我未還
君亦捐佩蛾眉班
忽攜紅藤杖七尺
歸臥黃篾樓三間
編肥荀香酒戶大
月明風熟漁舟閒
有時橫江逐孤鶴
一聲長笛開心顏

同諸君聖安寺餞曹檢討宜溥

載酒入古寺柳林東湖頭將以送遠人豈惟恣讌遊精
廬金源舊香乳塗白牛二帝一宸妃遺像堂中留更聞
王萬石辭榮返故丘傾城出祖餞於此聚行輶古來離
別地草木常先秋火雷焚怪柏霜葉鳴老楸雖乏斷碣
存陳迹尚可求曹子酒大戶十榼飲不休一朝忽言去
無以申綢繆列席庭槐陰日午風修修窪匏截竹節主
客互勸酬未知臨歧語遠合古人不坐久林鷗集斜照

忽已流並馬歸道南明發期登舟一帆挂楚澤百尺臥
竹樓川涂日以邈何以寫我愁夢為黃衣蝶飛繞崢嶸

洲

晚過崇效寺同李檢討

澄中

李中允鎰龐舍人

璿曹檢討宜溥賦

繚垣途轉曲入寺淖初乾尚有殘僧在同尋斷碣看白
花秋細細紅棗晚攢攢更上荒臺望遙山五髻盤

白馬寺

仁壽千年寺今存半畝宮
落鐘橫道北瓦塔限牆東
客至愁嗥犬僧寒似蟄蟲
夕陽留未去雙樹烏呼風

輓錢進士

廷銓

曲江讌後放歸艤豈謂才人祿命妨
差勝孤魂追及第
最憐無子奉高堂
門前載麴車難得夢裏生池草未荒
不待山陽聞笛罷
西風老淚寄千行

寓居天寧僧舍同魏

坤作四首

青豆房容借經旬且閉關
日邊連右輔樹杪豁西山
六

井泉相似千花塔易攀不應朝市客翻羨旅人閒

萬古光林寺相傳拓跋宮著書非柱下留客即淹中味
坵園蔬甲香攜市酒筒波濤入海闊安坐作漁翁

到此栖遲慣都無應接勞借書僮入市莖薦馬騰槽塔
射層層火松鳴夜夜濤惟嫌重九會風雨罷登高

故人分月米言自玉田來黃雀兼鄉味金澗勸客杯徐尚

書所遺也醉便尋茗盃行即遶香臺要踏西峰雪狂歌未擬

回

為魏上舍坤題水村圖二首

鷗波亭子趙王孫，曾為錢郎畫水村。
過眼雲煙難再覩，披圖髣髴筆蹤存。

斜插魚標颺酒旗，柳陰小犬吠芭籬。
歸田最是分湖好，我亦相期作釣師。

九月八日天寧寺觀塔燈聯句

秋風鳴枯槐，斜日薄西崦。徐善並馬入寺門，客衣罨絺。
斲朱茂，明于馬展嘉覲。一笑輟鉛槧。高佑紀巡廊禮紺

塔卓立大且儼彝尊陳丹和暗粉古色剝渲染魏坤蹟

仍開皇舊函并舍利掩查慎行一十三重檐檐檐風鐸

鮀善蟠楹蛟螭踞負礮鬼瘠貶茂明飛梯截階級白石

奪琬琰佑鈇鎔金范為燈設砌架成彝尊纍纍仄蜂

房歷歷覆蟹屨坤怖鴿棲未安一夫突走險慎行綆缶

牽膏油豆火發星燄善初如螢尾炫忽若獸目睽茂明

或如爐欬炭或如竈炊枯佑鈇須臾環扶闌散作四百

點彝尊虛堂鑿纖毫老樹失掩冉坤氛煙看直上樓閣

時一閃慎行置身圓鏡中交光不可掩善鼓鐘聲遠聞

來者紛襖茂明捉攜及童嬰羅拜雜寺闌佑營營

各有挾邀福毋乃諂彝尊禮義苟不愆寸心又何慊坤

玩物隨所遭誰能束崖檢慎行宵分梵放歇漏轉人散

漸善茗盃坐屢遷松關啟還扃茂明衰年疲倚徙禪榻

擁衾佑鈇弦月隨側輪濕雲俄淅淅彝尊驟驚山雨

來昏夢豁雲魘坤晨興矚林端餘燭尚未歛慎行

九日雨阻天寧寺聯句

仁王塔祇樹林客九日期登臨鼻尊風蕭蕭雨淫淫泥

滑滑愁人心慎行馬毛縮魚潦深行躑躅坐沉吟坤日

月逝衰遲侵去者昔來者今善別苦易思難任尊有酒

且酌斟佑鈇脫我帽披我襟折黃花試共簪茂明

同錢光夔王原巖虞惇魏坤查慎行吳卜雄過

白雲觀分韻二首

愛見晴山出郊西萬木疎偶尋樵子徑因訪羽人居活
脫存遺像蒼涼感廢墟惟餘綵旛字髣髴鶴頭書

世祖興元日真人獨召丘片言能止殺萬里不虛游羽
蛻長春觀池枯太液流誰裁釋老傳乃與帝師儔

送高佑紀之安邑和魏坤韻

驪駒九日郭門催問子西征幾月來最好河東苦桑落
懷人一倍引深杯

夜宿天寧寺大風和徐四處士善韻

檻外開皇塔三千六百鈴天風吹不定一夜枕函聽砌
咽寒蟲語牕搖獨樹形故人眠未穩吟傍佛燈青

曉起風未止復賦

已湧高城日猶號昨夜風六年凋佛樹乙字數邊鴻催
粥桐魚響薰衣桂火籠薄寒須摒擋仍作鹿皮翁

送樊明府

咸修

之嘉興

仙鳧南發指江關到及梅花點地斑倚郭千家齊傍水
登樓百里更無山郊垆近日園亭少旱潦頻年稼穡艱
憑仗賢侯妙為政不難風景舊時還

蘆塘放鴨圖為查大弟

慎行

題二首

橫漲橋東宿雨殘，盡驅鴨鴨出紅闌。
蘆花兩岸冷如雪，十里秋容倚棹看。

鴨頭老綠鴨脚黃，十五五沿斜塘。
不勞蜀郡滕昌祐，勾染一枝紅拒霜。

冬夜同諸子集杜尚書齋中分韻得波字

司空愛客埽東第，十里杜曲齊來過。
揚眉且作吳下語，婪尾笑卷樽中波。
吾老謫官久當去，人生良會安能多。
街頭瑟瑟漏鼓急，不醉奈此明燈何。

給事弟雲宅席上觀倒刺四首


雪後風燈燄燄寒雲韶舊部走伶官一雙手技從容入
勝舞銀貂小契丹

洞庭橘酒注雙餅老去繁絃不厭聽為語參軍休打鶻
衝筵喚出李青青

杯槃暢舞蹈紅綃高下冰瓷燭一條不是羊家張靜婉
如何貼地轉纖腰

琵琶鐵撥自西涼十四箏絃三足牀街鼓瑟瑟催不去

更翻一曲玉娥郎



曝書亭集卷十四

欽定四庫全書

集部
曝書亭集卷十五至十八

詳校官庶吉士臣汪彥博

助教臣常循覆勘

總校官降調編修臣倉聖脉

校對官檢討臣盧遂

謄錄監生臣閔思紀

欽定四庫全書

曝書亭集卷十五

翰林院檢討朱彝尊撰

古今詩十四

上章敦牂

同郭三

徵

滿井訪崙公即事二首

郊行方澤外路轉古城窪
小雨乍潑火輕風無聚沙
青蓮過橋寺紅杏隔牆花
一笑遠公在催停轂鯨車

故人方外侶

謂周處士
貫也

往往說支纖
帝里衝風雪
僧厨共

米鹽招魂迷去路
挂壁有殘縑
不待山陽笛
同游淚各

霑

送史館姜君

宸英

赴包山書局二首

白蠟明經亦可憐
強吟詩卷放歸船
告身許領郎官軸
不藉題名鴈塔前

莫釐峰下著書臺
十道圖經一室開
破臘梅花遶清夢
勝騎官馬踏霜埃

送徐處士善南還

玉河新柳已堪攀，二月交亭送客還。
十度洞庭游未足，今番真住石公山。

送禹鴻臚之洞庭

謫官擬就洞庭居，此意沉吟六載餘。
君去西峰先相宅，小樓容架滿船書。

送劉進士凡知孟縣

百里雷封古孟州，銅章出宰最風流。
一灣清濟通王屋。

千樹穠花繞縣樓，別後酒鎗攜伴去。
到來詩卷許吾酬，三年報最尋常事。
腰折眉摧不用愁。

送人宰順德

銅章再綰出都亭，天末郎官映一星。
南海潮連沙嶼白，西樵山壓縣樓青。
題詩定遍憇勞竹，判牘憑移孔翠屏。
此地不難先奏最，因風為報遠人聽。

贈張叟

紹

荀攸為冠大布屨，愛從金石拓遺文。
吾生癖似劉原父。

當代楊南仲是君

裂帛湖

裂帛湖流兩岸平
柳陰風煖燕飛輕
年光冷笑長安客
開遍山桃不出城

查上舍

慎行

弟將南還過寓舍
話別同魏二坤

小飲賦六言

江郎南浦欲別小謝西陵
未來

謂嗣琛弟也

細草巴溝乍綠

堅冰潞水寧開殿
翻李卻新格
酒瀉烏巾舊
醅款語且

留十日看花同上豐臺

積雨寄賀秀才

堂坳階面簇青莎鳩婦呼來又出窠說與江南賀梅子
今年暑雨者邊多

倪博士

我端

讀書城西雨中寄之二首

黑龍潭口水雲腥黃紙無勞畫丙丁料得林扉昏掩處
高荷大芋枕邊聽

雨氣西山黯未開更聞小暑一聲雷不煩走馬衝泥苦

便可乘船入市回

牽牛花十二韻

小草無心蔓疎籬到處延涼分銀漢水曉映碧羅天絆
地三秋早含苞七夕先風吹長裊裊露洗更娟娟冷翠
蕉林外新黃豆葉邊日高翻自斂夜久愈生妍月影銷
衣後蟲聲攪夢前捎溝香驛路墮雨滴罽船螢火黏常
濕蛛絲容易緣子多拋藥臼根不費花錢舊入桐君錄
宜蓼織女鈿憑誰描竹尾幽思轉脩然

同李中允

澄中

錢中允

金甫

李諭德

鎰

重過萬

柳堂有懷相國馮公二首

岸柳經秋臥蒼花
過雨推應門人已換
並馬客重來
板屋分熊檻
莎亭擾雉媒
昔年觴詠日不記
暮笳催

樹改平泉譜
堂仍右相名
路迴逢石坐
心怯過橋行
稚子喧碁局
園官却酒鎗
惟餘沙面水
猶似冶源清

題汪祭酒

霏

詩卷三首

金馬紛紛著作家
緇塵日日走篋車
誰如國子先生暇

吟到棠梨日影斜

西陵十子流派別南宋諸公體制殊絕似韋郎浣花集
奇章麗則近來無

庭闈眷戀賦歸難酒伴相逢強自寬只合宅西添小閣

秋山且當故園看

祭酒詩卷中有記得年時重
九日全家登閣看秋山之句

秋日集馮檢討齋分韻得南字

畢卓能轟飲康駢愛劇譚長筵遮硯北小徑闌花南榼
釀三升酒齋香二寸柑餘酣留未去采菊入茶籃

題周編修金然雲松雪瀑圖

編修與予有結鄰洞庭山之約

越縑八尺誰所畫雪瀑亂灑長松梢中有科頭人獨坐
盤石坳注目一尺練昏泉一勺飽斯人豈宜在巖壑或
者避俗憎喧譁我生山水性夙嗜十年誤把田園拋移
家欲果洞庭約擬先縛屋三重茅毛公壇高踏月上靈
威洞古探書鈔楊梅滿村鶴頂賤橘柚落樹筠籠包茲
山從無蛇虎雉但有魚蟹鰕登庖雨前茶牙舌比雀籬
下竹荀頭如貓間房恣意任選擇樂土不用分肥磽先

生方充記言史朶殿直入穿雲旃曰歸正恐歸未得磨
錢枉費占羲爻耕田定須沮溺耦開徑可少求羊交終
當乞取鑑湖曲庶免怨鶴驚猿嘲

皇仁綏遠詩八首

并序

臣聞柔遠人則四方歸有常德而六師整舞兩階之干
羽至誠感神受百祿於共球敷奏其勇周官分職合方
訓方懷方王會開圖比服要服荒服唐著歸忠之傳漢
歌樂德之詩矧夫百王之所未臣重譯於焉來附于疆

于理無貳無虞宜有頌聲用揚盛美欽惟我

皇上軼堯包舜揚武觀文陟禹迹而方行合軒符而在
握泰階協正被四表以光華上治咸和躋八紘於仁壽
建中立極無外恢圖天地之大德曰生靡一物不懷

帝德神人之所助者順允率土莫非王臣畫謀造化之
先制勝霄旻之上乃喀爾喀雖修職貢反側靡常與厄
魯特妄構兵端阨窮已甚

皇上湛恩溥博克全仁濡義育之中

睿慮周詳不遺曲成範圍之內謂外藩之豫附必親定
其機宜總七萃於黃圖勒五營於紫微研水潮河以北
照耀戈鋌空同祝粟之間扶攜老幼百重陞戟瞻帳殿
而傾心千列周廬覲

天顏而稽首

宸衷用豫

聖度誠弘載揚正正之旗徐布堂堂之陣有爵有階有
秩推亡固存

賜衣賜讌賜金式歌且舞申以河山之誓親同禁衛之軍而又

躬莅營門特宣誥誡用賞用罰是訓是行永為不侵不叛之臣無異實畝實籍之地於是揚葭啓路總駟

回鑾百千萬人皆感

恩而泣下四十九部益慕義而歡騰蒼龍搖旆旆之旂朱鷺疊淵淵之鼓歲旱而雨師灑道日長而風伯清塵曜乾文闡坤珍調玉燭輝金鏡既膺

寶錄宜薦

鴻稱惟

至德之彌謙而尊厚者多益萬年有道千古未聞臣幸際
昌辰式觀

釀化自慚弇陋仰沐

崇深恭賦短章奉揚

駿烈

紫禁開魚鑰青郊建羽旄受降資

廟略載筆忝詞曹塞拓漁陽遠山盤虎北高羣臣歸燕
息轉念

聖躬勞

鴈路緣沙磧魚雲接幔城鳴

鑿七校從吹笛六軍行俗本通鞮譯人今息戰爭紛紛
攜老穉遙望

屬車迎

納款陳千帳班朝式九圍不圖瞻

日角轉自懾

天威重馬馱金橐韋裘換錦衣早知

恩賚渥慕義久先歸

錫宴原殊禮官庖出尚方自來鹽穀少初得旨甘嘗位
近周青馬詩呈漢白狼遠人何以報齊奉萬年觴

羽衛三千士龍媒十二閑載旌平似水布陣屹如山膽
已寒蕃部懽仍啓

聖顏始知師以律悔恃七旗孱

繼絕弘新典疏榮表外藩河山申信誓謨訓有

思言入視金吾仗來隨白虎旛自今同尉候不敢更懷

護

鳳蓋將旋日重攜所部來感深翻泣涕送遠愈徘徊星

野瞻箕足

雲旂戴斗魁

神功一萬禩

駐蹕起層臺

左闕千門曉南風五月薰崇牙鏡吹曲

仙仗羽林軍行健同

天德鳴謙集

帝勲小臣逢盛際獻頌愧無文

為魏上舍題水村第二圖二首

江鄉最好是分湖紫蟹紅鰕雪色鱸眯眼塵沙歸未得
倩人重寫水村圖

綠蘋不礙板橋樁紅葉空堆老樹腔異日相過任風雨

抽帆直到讀書牕

燕京郊西雜詠同諸君分賦

十八盤

香山十八盤盤盤種松栢惟見獨行僧
稀逢采樵客

高粱河

高粱寒食時昔年盛游冶隔水百重花
長堤兩走馬

釣臺

鯀魚千百頭湖水二三尺有時溪雲生
不見釣臺石

君子城

吾笑石季龍爾何知好士羅致山城中哀哉數君子

芙蓉殿

雕宮委礪礫暗粉剝莓落想見明昌日芙蓉殿脚開

黃牛岡

亂石侵花當奔沙擁樹根黃牛岡上月橫笛過前村

香水院

壞磴接雲根流泉來樹底宛轉入僧厨淙淙鳴不已

夾山寺

禪枝啼谷鳥，忍草護松關。
偶入樵人徑，桃花又一山。

壘山

石壘久已徙青山，仍舊名去都無一舍已。
覺旅塵清。

重光協洽

送吳御史震方還里二首

去年兮上書拜手兮青蒲，今春兮未暮乘白駒兮下通。
潞酌酒兮臨風攬子祛兮城東，申之兮款曲客無為兮。

忽忽泛牖河兮千里不如子之車兮莫或敢柅望江關
兮兩旗不如子之馬兮莫或敢維囊無一物兮旋故土
將津吏兮無怒

瞻衡宇兮欣欣數鄉樹兮歷歷慰慈母兮倚閭御輕軒
兮布席妻婦蠶兮臂筐童呼牛兮腰笛麥秋兮梅暑煙
舟兮雨屐罷遠遊兮屈平師近遊兮東哲逝將歸兮由
拳樂與子兮晨夕

雨中酬王先生

士禎

早春見過韻

架插圖書即是家忍令丘壑廢京華故人積雨能來否
堂下羅生十樣花

附

正月上旬過朱竹垞太史齋中諸花盛開賦絕句

濟南 王士禎

馬塍曾說野人家每先去聲東皇管物華今歲長安霜
雪少試燈風裏見唐花

團谿歌寄題黃贊善與堅書屋

團谿水繞舍北流團谿花發牆東稠先生歸去著書便

日坐團溪溪上樓

九日萬柳堂同譚十一表兄瑄作三首

百尺金臺近可攀，城西積翠冷孱顏。
自緣筋力新來倦，九日聊尋一篋山。

鷓鴣撲鹿起晴沙，路轉平岡日已斜。
較是今年籬菊晚，秋深猶膩水蒨花。

改席疎林脫帽多，半酣猶望麴車過。
休嘲酒戶年來減，勸客還能卷白波。

秋水十韻

郭外湖新漲，天邊暑乍歸。
牽甍移荻岸，繫纜到柴扉。
橋影中流小，人煙極浦稀。
家家采菱角，處處落蓮衣。
渡口迷村店，潮痕驗釣磯。
魚標林際短，蟹火夜深微。
柳近浮萍埽，楓兼斷葦飛。
避矰鴻鴈下，侵壟稻粱肥。
夢穩扁舟在，鄉遙舊雨非。
殷勤報鷗鳥，伴我共忘機。

送蔡中允假還省親

記聽句臚已十年，詞頭草罷擘宮箋。
不知才子循陔後，

鎖院何人下水船

寄題張學士英前輩賜金園二首

金海橋西小苑灣
偶辭

賜第放船還
仙居絕勝閭丘遠
割取龍眠一半山

越溪漁客東歸後
千載無人乞鑑湖
輸與先生賜金換
君恩歲歲荅魚租

毛封公壽詩集唐人句十韻

自知清淨好
名利本來疎
嗜酒晉山簡
通經漢仲舒
高

齋徵學問教子但詩書庭養沖天鶴香消蠹字魚寧知
武陵趣還傍釣臺居散帙至棲鳥鳴榔聞夜漁古苔生
迹地時菊覆清渠洞有仙人錄門停長者車桐江秋信
早勾漏藥成初自有延年術何人更得如

寄題新城王上舍

啓深

園居十二首

綠蘿書屋

女蘿青裊裊壓君一丈牆有時風卷幔瑣碎涼月光留
照牀上書籤帙生微黃

嘯臺

山月出漸高山泉鳴不已登臺一舒嘯四面林風起公
子鸞鶴羣形神兩無累

春草池

春水既已綠春柳亦已青此時池上草日暖飛蜻蜒游
絲墮復起牆外花冥冥

石丈

種橘號作奴種花呼作后山礬以為兄海棠以為友羅

置石丈前丈應開笑口

大椿軒

大椿本無樹取以名其軒不隨葺草彫長愛藻景暄因
思漆園叟十九皆寓言

小華子岡

小水波淪漣小山石偃仄月明攜客上竹樹風不息比
似輞川圖但著淺絳色

石帆亭

我昔鏡湖曲曾對石帆山
婀娜層雲外迢迢不可攀
何如一片影移置戶庭間

三峰

一峰竦中央兩峰旁
夾侍共此一簣山
各具千仞勢要知
主人心方蓬有遐寄

雙松書塢

我願身為鶴巢君庭際
松清風吹我衣
明月照我容與君
歲寒約寤語
緜春冬

樵唱軒

樵風遠更聞樵唱行無次郭東郭西樵審音非一致寫
入丘中琴泠泠有餘思

小善卷

洞戶雖言小翻勝陽羨里初無鹽米堆惟有木石几不
知經幾年石髓滴為水

半偈閣

小梯上橫閣勝境同精廬宴坐維摩椅織塵都掃除觀

心默無語想見天地初

題沈上舍洞庭移居圖六首

沈郎歸興及秋風擬學煙波笠澤翁不戀湖莊收紫茜
愛他千樹洞庭紅

銷夏灣頭五月涼堂成面面納湖光楊梅綫紫枇杷白
賈斷閒園自在嘗

才微歲晚畏譏彈井社年來欲住難只合全家太湖去
免教小吏侮鄉官

洞府曾傳第九天
沉聞菴裏足良田
煩君竢我鮎魚口
並載吳江赤馬船

濕銀三萬六千頃
兩點青螺髻子濃
生怕東山鷺鴨鬧
輕帆徑度莫釐峰

橘田薑棧散租符
西舍東鄰興不孤
他日相逢王渚墨
也磬生絹索橫圖

曝書亭集卷十五